

Birgalikda ijtimoiy davlat sari!



O'zbekiston Ovozi

№24

2024-yil
12-iyun, chorshanba

1918-yil
21-iyundan chiqq boshlagan

Ijtimoiy-siyosiy gazeta

Ўзбекистон Республикаси Президенти АҚШ делегациясини қабул қилди

Ўзбекистон Республикаси Президенти
Шавкат Мирзиёев 11 июнь кунни Америка Қўшма
Штатларининг Савдо вакили Кэтрин Тайни қабул қилди.

Америка идораси раҳбари Ўзбекистон
етакчисига АҚШ Президенти Жо Байденнинг
саломни ва энг эзгу тилакларини етказди.

Учрашув давомида икки томонлама стратегик
шериклик муносабатларини янада мустаҳкамлаш,
савдо-иқтисодий ва инвестициявий ҳамкорликни
кенгайтириш масалалари муҳокама қилинди.

Ишбилармонлик алоқалари фаоллашгани,
ўзаро товар айирбошлаш ва инвестициялар
кўрсаткичлари барқарор ўсаётгани мамнуният
билан қайд этилди.

АҚШнинг "Air Products", "Coca-Cola", "Citibank",
"Visa" ва бошқа кўплаб етакчи корхоналари
ва банклари билан кооперация алоқалари
ривожланмоқда.

Ўзбекистоннинг Жаҳон савдо ташкилотига
аъзо бўлиши, GSP тизимини қайта тиклаш, "C5+1"
формати ҳамда Савдо ва инвестициялар бўйича
ҳадли битим доирасида амалий ҳамкорликни
чуқурлаштириш билан боғлиқ масалалар кўриб
чиқилди.

Саноат кооперацияси учун янги соҳаларни
аниқлаш ва тегишли лойиҳаларни илгари суриш
бўйича қўшма платформани ишга тушириш
муҳим экани таъкидланди.

president.uz

ЎзХДП фракцияси ташаббуси

ЧЕКЛАШ ЭМАС, ТЕНГЛИК ЗАРУР

Парламентдаги фракциямизнинг яна бир қонунчилик
ташаббуси қўллаб-қувватланди

ДАВЛАТ ХИЗМАТИГА
ИШГА КИРИШДА
ҲАР ДОИМ ҲАМ
ПРОФЕССИОНАЛЛИК
АСОСИЙ ЎРИНДА
ТУРМАЙДИГАН, БОШҚА
МУҲИМ БЎЛМАГАН
ОМИЛЛАР ТАРОЗИ
ПАЛЛАСИНИ БОСИБ
КЕТАДИГАН ҲОЛАТЛАР
ҲАМ БЎЛАДИ. ТЕНГЛИК,
ШАФФОЛИК,
ОЧИКЛИК ЎРНИДА
ТАНИШ-БИЛИШЧИЛИК,
МАҲАЛЛИЙЧИЛИК,
КОРРУПЦИЯВИЙ
ҲОЛАТЛАР, ҚАРИНДОШ-
УРУҒЧИЛИК КАБИ
ИЛЛАТЛАР ДАВЛАТ
ХИЗМАТИНИ
РИВОЖЛАНТИРИШГА
ТУШОВ БЎЛИБ КЕЛДИ.



3 САҲИФАДА

Долзарб мавзу



СУВ ТЕКИН ЭМАС!

Жаҳон метеорология ташкилоти
ҳисоб-китобларига кўра, 2050
йилга бориб ер юзи аҳолисининг
5 миллиарди етарли даражадаги
ичимлик сувидан бебаҳра қолиши
мумкин. Бинобарин, 2018 йили
3,6 миллиард инсон камида бир
ой ичимлик сувсиз қолган.
Ҳисоботдаги бу хавотирли рақамлар
йигирмадан ортиқ халқаро ташкилот
ва илмий марказлар хулосалари
асосида тақдим қилинган.

7

Жамоат назорати

МАНФААТЛАР ТЎҚНАШУВИ ЭНДИ КЎРИНАДИ

2024 йил 5 июнда «МАНФААТЛАР
ТЎҚНАШУВИ ТЎҒРИСИДА»ГИ ҚОНУН
ИМЗОЛАНДИ. МАЗКУР ҲУЖЖАТ ҚАБУЛ
ҚИЛИНГАН КУНДАН ОЛТИ ОЙ ЎТГАЧ КУЧГА
КИРАДИ. МАМЛАКАТИМИЗДА МУҲИМ
ВОҚЕЛИК БЎЛГАН ҚОНУН МАЗМУН-МОҲИЯТИ
ВА ИЖРОСИ БИЛАН БОҒЛИҚ МАСАЛАЛАРГА
КЕНГ ЖАМОАТЧИЛИК АЛОҲИДА ЭЪТИБОР
ҚАРАТМОҚДА.



6 САҲИФАДА

Сиёсий пульс: муносабат



ТЕЖАМКОРЛИК ВА ТАРТИБ СУВ БИЛАН ҲАВОДЕК МУҲИМ

Йилдан-йилга ЭНЕРГИЯ
ИСТЕЪМОЛИ ОШИБ БОРМОҚДА.
ЭНЕРГЕТИКА ВАЗИРЛИГИ
ПРОГНОЗЛАРИГА КЎРА,
2030 ЙИЛГАЧА БЎЛГАН
ДАВРДА ЭЛЕКТР ЭНЕРГИЯСИ
ИСТЕЪМОЛИНИНГ ЙИЛЛИК
ЎСИШИ 6-7 ФОИЗ АТРОФИДА
БЎЛАДИ. ЯҚИН ЙИЛЛАРДА
22 ТА ЭЛЕКТР СТАНЦИЯСИ
ИШГА ТУШИРИЛГАН.
ЭЛЕКТР ЭНЕРГИЯСИ ИШЛАБ
ЧИҚАРИШГА ХУСУСИЙ
КАПИТАЛ ҲАМ ЖАЛБ
ҚИЛИНГАН.

2

Бугуннинг гапи

ОРОМГОҲЛАРГА БОРМАЙДИГАН БОЛАЛАР

ТАЪТИЛ ТОТЛИ ЎТЯПТИМИ?

5

Ўзбекистон Республикаси Президентининг ҚАРОРИ МУБОРАК ҚУРБОН ҲАЙИТИНИ НИШОНЛАШ ТЎҒРИСИДА

Муборак Қурбон Ҳайитининг маънавий ҳаётимизда меҳр-оқибат, бағрикенглик, мурувват, дўстлик ва ҳамжиҳатлик каби эзгу тамойилларни мустаҳкамлаш борасидаги ўрни ва аҳамияти бекиёсдир.

Ушбу қутлуғ айёмни муносиб кутиб олиш ва юқори савияда ўтказиш, муқаддас ислом динининг инсонларварлик ғоялари ҳамда миллий қадриятларимизни асраб-авайлаш ва улуглаш мақсадида:

1. 2024 йилда муборак Қурбон Ҳайитининг биринчи куни 16 июнь – яқшанба кунига тўғри келиши тўғрисида Ўзбекистон мусулмонлари идорасининг ахбороти маълумот учун қабул қилиниб, юртимизда 16 июнь куни Қурбон Ҳайити байрами сифатида кенг нишонлансин.

2. Қуйидагилар:

а) Меҳнат кодексининг 208-моддасига

мувофиқ:

ишланмайдиган байрам куни ҳисобланувчи Қурбон Ҳайитининг биринчи куни дам олиш кунига тўғри келиши муносабати билан ушбу дам олиш куни 17 июнь – душанба кунига кўчирилиши;

бунда ишлаб чиқариш-техник ва ташкилий шароитлар (мавжуд узлуксиз ишлаб чиқариш, аҳолига ҳар куни хизмат кўрсатиш, навбатчилик асосида ишлаш ва бошқалар) тўғрисида ишланмайдиган байрам кунлари тўхтатиб қўйиш мумкин бўлмаган ишларни бажаришда дам олиш кунлари кўчирилмаслиги;

б) Ўзбекистон Республикаси Президентининг 2023 йил 22 декабрдаги "2024 йилда расмий саналарни нишонлаш даврида кўшимча ишланмайдиган кунларни белгилаш ва дам олиш кунларини кўчириш тўғриси-

да"ги ПФ-213-сон Фармони билан 18 июнь – сешанба куни барча ходимлар учун кўшимча дам олиш куни этиб белгиланганлиги маълумот учун қабул қилинсин.

3. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари Дин ишлари бўйича қўмита, Ўзбекистон маҳаллалари уюшмаси, Ижтимоий Ҳимоя миллий агентлиги ва бошқа ҳамкор ташкилотлар билан биргаликда муборак Қурбон Ҳайитини халқимизнинг миллий анъана ва урф-одатларига уйғун ҳолда ўтказиш учун тегишли чора-тадбирларни амалга оширсин.

4. Туризм қўмитаси Транспорт вазирлиги билан биргаликда юртдошларимиз учун муборак Қурбон Ҳайити кунларида мўътабар зиёратгоҳлар ва тарихий қадамжоларга зиёратларни ташкил этиш мақсадида қулай

шароит ва имкониятлар яратсин.

5. Ўзбекистон Миллий телерадиокомпанияси, Ўзбекистон Миллий ахборот агентлиги ва бошқа оммавий ахборот воситаларига Қурбон Ҳайитини нишонлаш билан боғлиқ тадбирларни кенг ёритиш тавсия этилсин.

6. Мазкур қарорнинг ижросини назорат қилиш Ўзбекистон Республикаси Бош вазир А.Н.Арипов ва Ўзбекистон Республикаси Президентининг маслаҳатчиси М.М. Камиллов зиммасига юклансин.

Ўзбекистон Республикаси
Президенти Ш.МИРЗИЁЕВ

Тошкент шаҳри,
2024 йил 11 июнь

СИЙОСИЙ ПУЛС: МУНОСАБАТ

ЙИЛДАН-ЙИЛГА ЭНЕРГИЯ ИСТЕЪМОЛИ ОШИБ БОРМОҚДА. ЭНЕРГЕТИКА ВАЗИРЛИГИ ПРОГНОЗЛАРИГА КЎРА, 2030 ЙИЛГАЧА БЎЛГАН ДАВРДА ЭЛЕКТР ЭНЕРГИЯСИ ИСТЕЪМОЛИНИНГ ЙИЛЛИК ЎСИШИ 6-7 ФОИЗ АТРОФИДА БЎЛАДИ. ЯҚИН ЙИЛЛАРДА 22 ТА ЭЛЕКТР СТАНЦИЯСИ ИШГА ТУШИРИЛГАН. ЭЛЕКТР ЭНЕРГИЯСИ ИШЛАБ ЧИҚАРИШГА ХУСУСИЙ КАПИТАЛ ҲАМ ЖАЛБ ҚИЛИНГАН.

СИЗУ БИЗГА БОҒЛИҚ МУҲИМ ЖИҲАТ ҲАМ БОР. ЭНЕРГИЯНИНГ ИСРОФ БЎЛИШИГА ЙЎЛ ҚЎЙМАСЛИК, ТЕЖАМКОРЛИККА АМАЛ ҚИЛИШ. УЙИМИЗДА БИР КУН ЧИРОҚ БЎЛМАСА, ДОД-ВОЙ ҚИЛАМИЗ.



ТЕЖАМКОРЛИК ВА ТАРТИБ

СУВ БИЛАН ҲАВОДЕК МУҲИМ

Энергиядан самарали, тежамли фойдаланилмас экан, ишлаб чиқариш қанчалик кўпайтирилмасин, ортиб бораётган талабни қондириш мушкул вазифа бўлиб қолаверади.

Давлат раҳбари раислигида 10 июнь куни энергия ресурсларидан фойдаланиш самарадорлигини ошириш ҳамда энергетика соҳаси объектлари куз-қиш мавсумида барқарор ишлашни таъминлаш чора-тадбирлари юзасидан видеоселектор йиғилиши бўлиб ўтди.

ИҚТИСОД ҚИЛИШ РЕЖАСИ ТЎЛИҚ БАЖАРИЛМАЯПТИ

Йиғилишда қайд этилганидек, ўтган йили электр ва газни тежаш бўйича туманбай дастурлар қабул қилинди. Хонадонлар ва ижтимоий объектларда ўрнатилган қуёш коллекторлари ҳисобига 20 миллион киловатт электр тежамланди. Саноат корхоналари ҳам "яшил энергия" манбаларини жорий қилмоқда.

Лекин айрим ҳудудларда ишлар суст бўлгани учун электрни иқтисод қилиш режаси тўлиқ бажарилмаётгани кўрсатиб ўтилди.

Янги ижтимоий объектларни лойиҳалаштиришда энергия тежамкорлик бўйича қатъий талаб киритиш, маъмурий бинолар, кўп қаватли уйлар, корхона, савдо ва сервис биноларида энергия самарадорлиги бўйича техник шартларни ишлаб чиқиш зарурлиги таъкидланди.

Йиғилишда жорий йилда 1 мингта ижтимоий объектни куз-қиш мавсумига тайёрлаш топширилди. Жумладан, 251 та шифохона, 292 та боғча, 393 та мактаб ва интернет таъмирланди.

Президент тармоқ раҳбарлари ва ҳокимларнинг бу йил электр ва газни тежаш режаси қониқарсиз эканини, улар янада катта марра олиши шартлигини таъкидлади.

Ҳар бир ҳокимга биттадан туманни танлаб, электр ва газ тежаш бўйича намуна қилиш топширилди. Ушбу туманларда бу йил 750 миллион киловатт электр ва 550 миллион куб метр газ иқтисод қилинишига эришиш муҳимлиги таъкидланди.

ЭЛЕКТРОМОБИЛНИ ХОНАДОНДА ҚУВВATЛАШ РАҒБАТЛАНТИРИЛАДИ

Юртимизда электромобиллар сони охириги уч йилда 10 карра ошиб, 35 мингтага етди. Жиззахда электромобиль ишлаб чиқариш йўлга қўйилмоқда. Шу муносабат билан электр тизимини ривожлантиришда янги зарядлаш қувватларини ҳисобга олиш зарурлиги кўрсатиб ўтилди.

Эндиликда электромобилни хонадонда қувватлашни рағбатлантирадиган тунги тариф жорий қилинади. Қувватлаш ускунасига ҳисоблагич ўрнатган аҳолига тунги вақтда қувватлаганлик учун арзон тариф қўлланади.

Кўчалар, кўп қаватли уйлар атрофида 22 киловаттгача, хонадонда 7 киловаттгача зарядлаш станцияси ўрнатиш мумкин бўлади. Давлат ташкилотлари, савдо маркази, меҳмонхона ва дам олиш масканлари автотураргоҳида қувватлаш станцияси ўрнатилади.

Йиғилишда энергетиканинг ресурс базасини мустаҳкамлаш масалалари ҳам кўриб чиқилди. Куз-қиш мавсумида аҳолини иссиқлик ва ичимлик суви билан кафолатли таъминлаш учун қозонхона ва иссиқлик тармоқларини яхшилаш, сув тармоқлари ва насосларни таъмирлаш вазифалари белгилаб олинди.

Йиғилиш давомида тармоқ ва ҳудудлар раҳбарларининг ҳисоботлари тингланди.

ХДП ДЕПУТАТЛАРИ НИМА ДЕЙДИ?

Шоҳиста ТУРҒУНОВА,
Олий Мажлис Қонунчилик
палатасидаги ЎзХДП фракцияси
аъзоси:

– Бутун мамлакат иқтисодиёти, халқимизнинг улкан рўзғори энергия, электр билан боғлиқдир. Кейинги йилларда юртимиз катта яратувчилик маконига айланиб кетди, қаерга борманг, янги қурилиш, янги бино, янги ишлаб чиқариш ёки хизмат кўрсатиш манзили йўлингиздан чиқади. Уларнинг ҳаммаси-

га энергия керак, акс ҳолда, ўзгаришининг, ўсишининг имкони йўқ.

Истеъмолчиларга электр энергиясини ишончли ва узлуксиз етказиб бериш, бу борада ошиб бораётган талабни қондириш муҳим, албатта. Тўғриси айтиш керак, шу кунгача биз жиддий эътибор бермаган, қайсидир маънода амал қилмаган, энди эса истеъмол маданиятимизда кундалик меъёрга айланиб бораётган тежамкорлик орқали электр энергиясининг узлуксизлигини таъминлашга ҳисса қўшиш мумкин. Кундалик ҳаётда электр энергиясини тежашнинг оддий қоидаларига риоя қилиш орқали ҳар биримиз табиий ресурсларни оқилона сарфлашга ҳисса қўшамиз.

Мутахасссларнинг фикрича, миллий иқтисодиётнинг энергия сиғими ривожланган мамлакатларникидан 2-2,5 баравар юқори. Энергия ресурсларининг катта йўқотишлари ўй-жой секторидан ҳам юз бермоқда. Электр энергиясининг ўртача истеъмоли ўй-жой секторидан жўшқин бўлиши билан, Ўзбекистонда бу кўрсаткич 40 фоизга етади. Яъни, Европада бир квадрат метр учун энергия истеъмоли йилга 120 – 150 кВт-соатни ташкил қилгани ҳолда, Ўзбекистонда бу кўрсаткич 390 кВт-соатдан ошади.

Шу жиҳатдан ҳам Президентимиз раислигида ўтказилган видеоселектор йиғилиши, унда белгилаб берилган вазифалар ҳаммаси учун аҳамиятли.

Тежаш – йўқотишларни камайтириш, тежамкор технологияларни жорий қилиш ҳисобига бўлиши шарт, деди давлатимиз раҳбари.

Ростан ҳам, энергияни исроф қилмасдан ишлатсак, қанчадан-қанча бехуда йўқотишларнинг олди олинади.

НИМА УЧУН ТЕЖАШ КЕРАК?

Биринчидан, табиатга ғамхўрлик қилиш учун. Энергия самарадорлиги юқори бўлган уй хўжаликлари атроф-муҳитга камроқ зарар етказиши.

Иккинчидан, энергия самарадорлик оила маблағини тежаш имконини ҳам беради. Ҳисоблагичлар ва ишончли иссиқлик коммуникациялари ёрдамида фақат аслида фойдаланилган энергия учун ҳақ тўланади.

Шерзод РАҲМОНОВ,
Олий Мажлис Қонунчилик
палатасидаги ЎзХДП фракцияси
аъзоси:

– Бутун дунёда, мамлакатимизда аҳоли сони ошгани, иқтисодиёт тармоқлари кенгайгани сари энергияга талаб ҳам ошиб бормоқда. Охириги беш йилда юртимизда электр энергия истеъмоли 20 фоизга ошибди.

Тежамкорликка амал қилиш биздан маблағ сўрамайди, катта ташвиш туғдирмайди ҳам. Шунчаки кўпроқ эътиборли бўлиш кўтилади, холос.

Йиғилишда бундан буён илғор тажриба асосида соҳа ва тармоқларда энергия самарадорлигини баҳолаш бўйича янгича тизим амал қилиши белгиланди.

Бунда йилга камида 4 миллион киловатт электр ёки 375 минг куб метр газ сарфлайдиган йирик истеъмолчилар ҳар уч йилда энергия аудитидан ўтади. Энергоинспекция ҳар йили йирик истеъмолчилар рўйхатини эълон қилиб боради, аудитдан ўтмаган корхоналарга газ ва электр оширилган тарифда етказилади. Мутасаддиларга йил якунигача янги тизим билан боғлиқ техник регламент ва норматив ҳужжатларни ишлаб чиқиш вазифаси топширилди.

Йилдан-йилга энергия ресурсларига талаб ошиб бораётган замонда улардан оқилона фойдаланиш, исрофгарчиликни камайтиришни ҳаётнинг ўзи тақозо этмоқда. Давлатимиз раҳбари томонидан билдирилган таклифлар, белгилаб берилган вазифалар энергия самарадорлигини ошириш учун муҳим, албатта.

Энергия самарадорлиги кўплаб иқтисодий, ижтимоий ва экологик фойда келтиради. Бу иқлим ўзгаришига қарши курашиш, инсон саломатлиги ва ҳаёт сифатига зарар етказувчи чиқиндилар, ифлослантирувчи моддаларни камайтиришнинг энг оддий ҳамда тежамкор усуллари билан бириктирилади. Энергия самарадорлигини ошириш бўйича чора-тадбирларнинг кенг қўлланилиши коммунал тўловларни камайтиради, иқтисодий афзалликлар яратади.

"Ўзбекистон овози" муҳбири
Лазиза Шерова ёзиб олди.

Ёзги таътил мавсуми нафақат мактаб ёшидаги болаларимиз, балки биз, катталар ҳам интиқлик билан кутадиغان палла. Ўқиш давридаги чарчоқлар, стресслардан энгил тортиб, ҳордиқ чиқариш учун қулай фурсат. Лекин ёзги таътил бошланиши билан оналар олдида яна бир муҳим масала пайдо бўлади. Бу уч ой давом этадиган таътилда боланинг бўш вақтини мақсадли ташкил этиш билан боғлиқдир.



Эъзова УМРЗОҚОВА олган сурат.

ОРОМГОҲЛАРГА БОРМАЙДИГАН БОЛАЛАР

ТАЪТИЛ ТОТЛИ ЎТЯПТИМИ?

Оромгоҳлар бор-ку!? Сўлим табиат бағридаги, болаларга унутилмас, қувноқ таассуротлар улашувчи стационар оромгоҳлар, мактаблар қошида эса турли қизиқарли машғулотлар, маданий-маърифий тадбирларни қамраб оладиган кундузги оромгоҳлар таътилни мароқли ва мазмунли ўтказишга хизмат қилади-ку, дерсиз. Инкор этмаймиз, республикамизнинг ҳар бир ҳудудда ёзги оромгоҳлар бор ва улар таътил бошланиши билан ўз эшикларини болаларга очади.

Рақамларга эътибор қилинг. 2023 йилнинг ёз мавсумида мамлакатимизда болалар саломатлигини мустаҳкамлаш ва тиклаш, таътил даврида уларнинг ижодий салоҳиятини ривожлантириш мақсадида жами 196 та стационар болалар соғломлаштириш оромгоҳи фаолияти йўлга қўйилиб, уларда 158 минг нафар ўғил-қиз ҳордиқ чиқарган.

Жорий йил мавсумида эса 192 та оромгоҳда 157 минг 960 нафар бола дам олиши режалаштирилган. Бундан ташқари, 1 минг 105 та кундузги оромгоҳга 74 минг 200 нафардан зиёд болаларни жалб қилиш кўзда тутиляпти.

МУАММО НИМАДА?

Юртимизда 7-14 ёшли болалар сони 4 миллион 668 минг 779 нафарни ташкил қилади. Масала ҳам айнан шу ерда юзага қалқиб чиқмоқда. Оромгоҳларга йўналтирилган болалар ўқувчилар умумий сонининг 10 фоизига ҳам етмайди. Оромгоҳларга бормайдиган болалар учун ёзги таътил қандай мазмун-аҳамият касб этади?

Ҳақиқат шуки, ўтган йиллар давомида мамлакатимизда болалар соғломлаштириш оромгоҳлари сони аҳолининг ўсиш динамикасига мутаносиб тарзда ошиб бориши таъминланмаган. Жумладан, болалар сони 1991 йилга нисбатан 71 фоизга кўпайган бўлса-да, уларни соғломлаштириш оромгоҳлари сони икки бараварга қисқарган.

“ЎҚИШДАН ЗЕРИКДИМ, ЛЕКИН БОШҚА НИМА ҚИЛАМАН?!”

Кишлоқ жойлардан фарқли ўлароқ шаҳар шароитида оромгоҳга бормаган болаларнинг уч ойлик таътилни спорт мактаблари ёки репетиторларга, ўқув курсларига, касб-хунар ўргатиш марказларига қатнаб ўтказиши урбанизациялашган муҳитга хос аъёнлардан бирига айланган. Бола бекор қолмасин, деган ваз билан унинг жисмоний ва ақлий салоҳиятини ривожлантиришдек яхши ниёда таътил пайти асосан ўқишга ёки спортга йўналтирилган. Сармоёни аямаймиз. Бундай ёндашув қанчалар тўғри ва самарали? Асосийси, фарзандимиз хоҳиш-истагига, манфатларига уйғунми?

Мактабдаги ўқиш пайтида ҳафтасига уч марта математика бўйича репетиторга қатнадим, - дейди тошкентлик 13 ёшли Фатхулла. - Таътил бошланиши билан инглиз тили бўйича ҳам ўқув марказига бораёман. Уч кун математика, уч кун инглиз тилидан дарс оламан. Кейин икки кунда бир сузишга бораман. Хуллас, фақат яшанба кунни ҳақиқий дам менга!

Ёш суҳбатдошимизнинг ўтган йилларда ёзги таътилни оромгоҳда ўтказган-ўтказмагани билан қизиқамиз.

- Йўқ, оромгоҳга бормаганман, - дейди у рўйи-рост. - Ёзда оилавий тоққа чиқиб дам олиб келамиз 2-3 кун. Лекин ҳали шу пайтгача оромгоҳда дам олмаганман. Боғчадалик пайтимда ёз пайтлари кишлоқдаги бувиникига юбориб туришарди. Ҳозир эса таътилни

бекор ўтказмай, ўқишим керак экан.

Болакай яна нимадир демоқчи бўладию журъати етмай жим қолади. “Ўқийвериб зерикиб кетмадингми ишқилиб?” деймиз ҳазил аралаш. Бола-бола-да, ҳазилни жиддий қабул қилади.

- Дадам, ойим ишда, укаларим боғчада. Уйда ёлғиз қолгандан кўра, ўқув марказига келиш яхшию аммо ҳадеб ўқийвериш... Ростини айтсам, баъзан зериккан пайтларим бўлади, лекин бошқа нима ҳам қиламан?..

Ёзги таътил боланинг зиёнига бўлмаслиги керак. Психологлар катталардаги каби болаларда ҳам доимий иш фаолиятни ўзгартмаслик руҳий зўриқишга олиб келишини, йил бўйи ўқигандан кўра, таътил пайтлари росмана ҳордиқ чиқариб, кейин яна ўқишни давом эттириш нафақат жисмоний саломатликка, балки билимни ўзлаштириш даражасига ҳам фойдали эканини таъкидлайдилар.

“Таътил оиладаги ўзаро ака-ука, опа-сингил муносабатларини мустаҳкамлаш учун ҳам керак. Чунки доимий мактаб пайтида болаларнинг бирга вақт ўтказишга имконияти кам бўлади. Шунинг учун ҳам таътил оилавий яқинлик учун энг мақбул пайт”, деган фикр илгари сурилади.

- Ёзги таътилда ўқув марказимизга қатнайдиган болалар қамрови уч-тўрт баробарга ортади, - дейди Тошкент шаҳридаги “Mumtaz academy” ўқитувчиси Аббос Раҳмонов. - Бир томондан, шаҳар шароитида ота-онаси ишда бўлган болаларнинг таътил



пайтида уйда бўш қолгандан кўра, ўқишда, илм олишда, ўз устиди ишлашда давом этгани яхши. Чунки бугунги глобал жадаллашув замонида ўқиб-ўрганишда бир кунни ҳам беҳуда ўтказмаслик керак. Бирок, бошқа томондан қараганда, айниқса, кичикроқ ёшдаги болалар (8-12 ёшлилар)да айни таътил мавсумида чарчоқни, иштиёқсизликни кузатаман. Мана бундай жазирама кунларда эса ўқув марказига келиб-кетиш ҳам бу болалар учун осон эмас.

Ривожланган давлатларда, хусусан, Германияда репетиторларга, ўқув марказларига одатда мактаб дарсларини ўзлаштира олмайдиغان, синфдан-синфга қолган ёки кейинги босқичга ўтиши хавф остида бўлган ўқувчилар боришади. Агар ўзлаштириши паст ўқувчининг оилавий иқтисодий ҳолати кўшимча ўқиш учун тўловга қодир бўлмаса, унда бу пул давлат томонидан тўлаб берилади. Бошқача айтганда, боланинг мактабдан сўнг қўшимча таълимга жалб қилиниши унинг билим-салоҳиятда тенгдошларига етиб олиши учун бир дастак, холос. Бизда эса

бунинг акси – пешқадам бўлиш, олийгоҳга кириш ва ҳоказо сабаблар борки, бари ахир болаларимиз гарданига тушади. Ҳатто ёзги таътилда ҳам улар ўқишда давом этмоғи тўғри, бизнингча.

ҚИШЛОҚ БОЛАЛАРИ

Бу йил 9-синфни тамомлаган Акбар Сирдарё вилояти Мирзаобод туманида яшайди. Унинг айтишича, ёзги таътил бошланиши билан далада иш қайнайди.

- Дадам қурилишда ишлайди, онам фермер хўжаликларида кунбай ишлаб пул топади, пахта чопиғи, қовун чопиғи дегандай... Мен онамга ёрдамлашаман, - дейди Акбар. - Мол-қўйларимиз бор, 7-синфда ўқийдиган укам уларга қарайди. Томорқамизда ҳам экин-тикин қиламиз. Ёз биз учун энг иш кўпайган пайт бўлади. Бош қашишга ҳам вақт қолмайди.

Акбардан шу пайтга қадар ёзги оромгоҳда бўлган-бўлмаганини сўраймиз.

- Лагерми? Йўқ, ҳечам бормаганман. Бизнинг кишлоқдан ҳеч ким лагерга бормаган.

Қатъий ишонч билан сўзлаётган бу боланинг куёш тигида қорайган юзида самимият уфуриб туради. Мактабларда таътил пайтида ўқувчилар учун кундузги оромгоҳлар ҳам ташкил қилиниши, тўғрақлар очилиши ҳақида сўрарканмиз, у яна қатъиян бош силкидий.

- Йўқ, бизнинг мактабда юқори синф

да ўртача икки ой давом этадиган ёзги таътил саналари турличадир. Ҳатто давлат ва хусусий мактаблар ўртасида ҳам таътил жадваллари ўзаро фарқ қилиши мумкин, лекин болаларни оромгоҳларга қамраб олишда мақсад ва ёндашув бир хил.

Яъни, кантон маъмурулари ва турли маҳаллий жамиятлар болалар учун оромгоҳ ташкил қилишда минимал харажатларга таянган ҳолда ота-оналар учун иқтисодий фойдали вариантларни таклиф қиладилар. Боласи (ёки болалари) роса икки ҳафта давомида табиат бағридаги оромгоҳларда мириқиб, чиниқиб дам олиши учун маблағ ажратиб бу давлатдаги ҳеч бир оила хўжалиги бюджетига сезиларли таъсир қўрсатмайди.

ЎЗИМИЗДА

Одатда ёз мавсумида қачон ва қайси оромгоҳга бориш ота-онанинг ва боланинг шахсий танлови ҳисобланади. Белгиланган тартибда кўра, ота ёки она фаолият юри-таётган ташкилот касаба уюшмаси бўлими томонидан берилган йўлланма орқали болани оромгоҳга юбориш мумкин. Агар ота ёки она ишлаётган ташкилот Касаба уюшма Федерациясига аъзо бўлмаса, у ҳолда танланган оромгоҳ ташкилотининг бошланғич касаба уюшмаси бўлимига мурожаат қилиб, йўлланмани тўлиқ нарҳда сотиб олиш тақозо этилади. Айтгандай, ҳозирги кунда ёзги оромгоҳларнинг электрон саҳифалари ҳам мавжуд бўлиб, Интернет орқали бу саҳифаларга кириб, онлайн шаклда йўлланма харид қилиш мумкин.

2024 йил ёзги таътил учун oromgoah.uz сайтида юртимиздаги анчайин машҳур болалар оромгоҳларининг нарх-навоиси билан танишганимизда, бир мавсум (10-12 кунлик мuddат) йўлланмаси 1 млн. 400 минг сўмдан бошланиб, 3 млн. 200 минг сўмгача баҳо-ланганини кўрдик. Бир қарашда бу сумма унчалар кимматмасдек. Аммо ўртаҳол ва серфарзанд оила учун арзонлик ҳам қилмайди. Айниқса, кишлоқ жойларда.

Шунингдек, ушбу оромгоҳларда ҳар йили юзлаб ижтимоий ҳимоя талаб, кам таъминланган оилалар фарзандлари, Меҳрибонлик уйлари, Оилавий болалар уйлари тарбияланувчиларини имтиёзли соғломлаштириш ҳукуматининг доимий эътиборида эканини ҳам инкор этмаймиз.

Хуллас, ёзги оромгоҳларда болаларнинг дам олиши аксар ҳолларда ота-оналарнинг шахсий ташаббуси ҳамда моддий имкониятига кўра амалга ошмоқда. Ёзги оромгоҳлардаги замонавий шарт-шароитлар, малакали педагогларнинг жалб қилиниши, овқатланиш рационали, санитария-хавфсизлик масалалари, маданий-қўнгилочар, тарбиявий машғулотлар савияси – бу энди бошқа мавзу.

Шу йил 29 май кунни қабул қилинган “Болалар соғломлаштириш оромгоҳларида дам оладиган болалар қамровини кенгайтиришга қаратилган чора-тадбирлар тўғрисида”ги Президент қарориди стационар оромгоҳлар фаолиятини янги босқичга олиб чиқиш, тизимдаги муаммоларни ечиш юзасидан муҳим вазифалар белгилаб берилди.

Бу вазифаларнинг амалий исботини топиши болаларнинг ёзги дам олиш мавсумини самарали ташкил этишга, оромгоҳларга қамраб олинган ўғил-қизлар сонини йил сайин ошириб боришга хизмат қилади. Мақсад шуки, келажакимиз – болалар манфаати ҳамма вақт қадрли бўлиб қолмоғи керак.

Фарида МАҲҚАМОВА.

JAMOAT NAZORATI

2024 йил 5 июнда «МАНФААТЛАР ТЎҚНАШУВИ ТЎҒРИСИДА»ГИ ҚОНУН ИМЗОЛАНДИ. МАЗКУР ҲУЖЖАТ ҚАБУЛ ҚИЛИНГАН КУНДАН ОЛТИ ОЙ ЎТГАЧ КУЧГА КИРАДИ. МАМЛАКАТИМИЗДА МУҲИМ ВОҚЕЛИК БЎЛГАН ҚОНУН МАЗМУН-МОҲИЯТИ ВА ИЖРОСИ БИЛАН БОҒЛИҚ МАСАЛАЛАРГА КЕНГ ЖАМОАТЧИЛИК АЛОҲИДА ЭЪТИБОР ҚАРАТМОҚДА.

Адлия вазирлиги Коррупцияга қарши курашиш агентлиги билан ҳамкорликда қонуннинг мазмун-моҳияти, янгиликлари ва аҳамиятини тушунтиришга бағишланган матбуот анжумани ўтказди. Унда Адлия вазири ўринбосари ва Коррупцияга қарши курашиш агентлиги директори иштирок этиб, қонун манфаатлар тўқнашувига барҳам бериш борасида муҳим ҳуқуқий асос бўлганини алоҳида таъкидлади.

Қонунда муҳим меъёрлар белгиланган. Хусусан, манфаатдорликка йўл қўймаслик, манфаатлар тўқнашуви тўғрисида хабар бериш, шахсий манфаатларини кўзлаб бошқаларни ҳаракат (ҳаракатсизликка) мажбурлаш бўйича ходимларнинг ҳуқуқ ва мажбуриятлари назарада тутилган. Манфаатлар тўқнашуви тўғрисидаги ахборотни ходимлар томонидан ошкор этиш икки шаклда, яъни мавжуд манфаатлар тўқнашуви тўғрисидаги хабарнома бериш ва эҳтимолӣ манфаатлар тўқнашуви тўғрисидаги декларация тўдириш орқали амалга оширилади.

Шунингдек, ходимга алоқадор шахслар давлат органи ёки бошқа ташкилот билан муносабатларга киришганда манфаатлар тўқнашувининг олдини олиш бўйича декларация тўдириш мажбуриятлари белгиланди. Шу билан бирга, манфаатлар тўқнашуви билан боғлиқ муносабатларни давлат томонидан тартибга солишда Коррупцияга қарши курашиш агентлиги махсус ваколатли давлат органи сифатида белгиланган.

Ўз навбатида, давлат ташкилотлари, уларнинг одоб-ахлоқ комиссиялари, коррупцияга қарши ички назорат тузилмалари ва кадрлар билан ишлаш бўлинмалари манфаатлар тўқнашуви билан боғлиқ муносабатларни тартибга солишда ички назорат вазибаларини амалга оширади.

– Манфаатлар тўқнашуви аслида кўзга кўринмайдиган, бироқ энг хавфли иллат ҳисобланади, – дейди Адлия вазири ўринбосари Алишер Каримов. – Бунга қарши кескин курашилса, яъни манфаатлар тўқнашувига чек қўйилса, коррупция барҳам топади. Манфаатлар тўқнашувига барҳам бериш учун давлат ва давлатга алоқадор идора ва ташкилотларда ўрганиш ишлари олиб борилади. Тахминларга кўра, 20 мингга яқин идора ва ташкилотдаги фаолият кўриб чиқилади.

Бу йўналишдаги ишларни тўғри ташкил этиш, аниқ самарадорликка эришиш учун Бош вазир бошчилигида комиссия тузилган. Бу жараёнда нафақат тегишли соҳа мутахассислари, балки идора ва ташкилотлар ходимлари, жамоатчилик ёрдамига ҳам таянилади.

Давлат органлари ва ташкилотларида манфаатлар тўқнашувини ҳисобга олиш реестри юритилади. Унга хабар берилган,



МАНФААТЛАР ТЎҚНАШУВИ ЭНДИ КЎРИНАДИ

аниқланган ҳамда тартибга солинган манфаатлар тўқнашуви тўғрисидаги маълумотлар киритиб борилади.

Манфаатлар тўқнашуви тўғрисида хабар бермаганлик учун базавий ҳисоблаш миқдори (БХМ)нинг уч бараваридан беш бараваригача миқдорда жарима белгиланди. Агарда ушбу хатти-ҳаракатлар бир йил давомида такроран содир этиладиган бўлса, БХМнинг беш бараваридан ўн бараваригача миқдорда жарима қўлланилишига сабаб бўлади.

Шунингдек, мансабдор шахслар томонидан мавжуд ёки эҳтимолӣ манфаатлар тўқнашувини тартибга солиш юзасидан чоралар кўрмаганлик учун БХМнинг беш бараваридан ўн бараваригача миқдорда жарима белгиланди. Агарда ушбу хатти-ҳаракатлар бир йил давомида такроран содир этиладиган бўлса, БХМнинг ўн бараваридан ўн беш бараваригача миқдорда жарима қўлланилишига сабаб бўлади. Бунда маъмурий баённома расмийлаштириш билан боғлиқ вазибалар Коррупцияга қарши курашиш агентлиги томонидан амалга оширилади.

– Коррупция ва манфаатлар тўқнашуви-га йўл қўйилган ҳолда тузилган битимлар суд тартибиде ҳақиқий эмас, деб топилади, – деди Коррупцияга қарши курашиш агентлиги директори Акмал Бурҳонов. – Битим

бўйича олинган фойда эса давлат даромадига ўтказилади. Айтиб ўтиш керакки, 2022-2023 йилларда давлат харидлари бўйича тузилган 4,5 мингта (573 миллиард сўмлик) шартномаларда манфаатлар тўқнашувига йўл қўйилган. Вазирлик ва идораларнинг ички аудит хизматлари томонидан тизимдаги ташкилотларда 141 миллиард сўмлик 2 минг 720 шартнома ҳақиқатда манфаатлар тўқнашуви мавжуд ҳолатда тузилган. 9 шартнома 3 миллиард сўмга қиммат нарҳда имзоланган. 1,5 минг нафарга яқин ҳокимлар, уларнинг ўринбосарлари ва ҳоким ёрдамчилари тадбиркорлик субъектларининг бошқарув органларида иштирок этаётгани аниқланган.

Эндиликда қонунга мувофиқ, "E-anticor.uz" платформасида манфаатлар тўқнашувини аниқлаш ва онлайн мониторинг қилиш имконини берувчи электрон модуль ишга туширилади.

Манфаатлар тўқнашуви юзасидан зарур ўқитиш ва тушунтириш ишлари амалга оширилади. Жумладан, манфаатлар тўқнашуви ҳолатлари, уларни бартараф этиш бўйича услубий қўлланма ишлаб чиқилади. Шунингдек, рўйхатдаги давлат органлари ва ташкилотлари ходимлари ўртасида манфаатлар тўқнашуви бўйича билим ва кўникмаларни

» Ўз навбатида, давлат ташкилотлари, уларнинг одоб-ахлоқ комиссиялари, коррупцияга қарши ички назорат тузилмалари ва кадрлар билан ишлаш бўлинмалари манфаатлар тўқнашуви билан боғлиқ муносабатларни тартибга солишда ички назорат вазибаларини амалга оширади.

баҳолаш учун онлайн тест синовлари ўтказилади.

Матбуот анжуманида журналистлар, жамоатчилик фаоллари ўзларини қизиқтирган саволларга жавоб олди.

Тоштемир ХУДОЙҚУЛОВ,
"Ўзбекистон овози" мухбири.

TABRIK



Biznesni
Rivojlantirish
Banki

QURBON HAYITI

muborak bo'lsin!

www.brb.uz

1254

TARIX TILSIMOTLARI

4 МИНГ ЙИЛЛИК ҚАБРЛАР ВА 2 МИНГ ЙИЛЛИК ТАРИХГА ЭГА ШАҲАР

Сурхон воҳасида ўтмиши минг йилликлардан сўзлайдиган манзиллар бисёр. Бу гўшада кўллаб осори-атиқаларни, муқаддас қадамжолар, табаррук масканлар ва ноёб ёдгорликларни учратиш мумкин. Айни шу жиҳат маҳаллий археологлар билан бир қаторда Россия, Япония, Хитой, Корея, Франция каби қатор хорижий мамлакатлар олимларини ҳам қизиқтириб келмоқда.

Самарқанд археология институти ва Хитойнинг Шимоли-ғарбий университетини ўртасидаги ҳамкорлик натижасида "Ўзбекистон - Хитой" қўшма экспедицияси йўлга қўйилган бўлиб, бугунги кунда экспедиция аъзолари Узун туманидаги "Чинортепа" ёдгорлигида қазилма ишларини олиб бормоқда.

Экспедиция давомида 4 минг йиллик қабрлар ҳамда 2 минг йиллик тарихга эга шаҳар қолдиқларига дуч келинди. Антика сопол идишлар, киши ҳайратини оширувчи қурол-аслаҳалар, ноёб кўринишга эга тақинчоқлар ҳамда турли ҳайкалчалар қазиб олинди.

– Мазкур ёдгорлик 2019 йилда аниқланган, – дейди Самарқанд археология институти илмий ходими Комилжон Арзиев. – Бу йил шаҳристоннинг шимолий ва жануби-ғарбий қисмида жойлашган 30 га яқин қабрлар ўрганилди. Археологик топилмалар учта қатлам – ўрта асрлар, антик ва бронза даврига тўғри келмоқда. Бу эса миллоддан аввалги II-миллодий III асрларига оид Қанғ, Қушон ва Юэжжи (массагетлар) даврига

тегишли эканидан далолат беради. Ноёб ва бетакрор ашёлар Марказий Осиёда ягона ҳисобланган Термиз археология музейига топширилмоқда.

Эслатиб ўтамиз, шу йилнинг 3 июнь кунини Президент Шавкат Мирзиёев раислигида ҳудудларда туризм инфратузилмасини яхшилаш ва хорижий туристлар оқимини кўпайтириш чора-тадбирлари муҳокамаси бўйича видеоселектор йиғилиши ўтказилди. Унда мамлакатимиздаги тарихий, маданий ва ҳушманзара гўшаларда мавжуд туризм салоҳиятидан унумли фойдаланиш вазифалари белгилаб берилди.

Абдумалик ҲАЙДАРОВ,
"Ўзбекистон овози" мухбири.



РЕКЛАМА О'RNIDA

"Агробанк" АТБ: БИТТА КАРТОШКАДАН 20 ГЕКТАРГА ЕТАДИГАН УРУҒЛИК ТАЙЁРЛАНМОҚДА

ЕР ЮЗИДАГИ КЕСКИН ИҚЛИМ ЎЗГАРИШИ, ТАБИЙ ОФАТЛАР, СУВ ТАНҚИСЛИГИ, ҚУРҒОҚЧИЛИК КАБИ ГЛОБАЛ МУАММОЛАР ДУНЁ МИҚЁСИДА ҚИШЛОҚ ХЎЖАЛИГИ МАҲСУЛОТЛАРИ ЕТИШТИРИШДА ҚАТОР МУРАККАБЛИКЛАРНИ КЕЛТИРИБ ЧИҚАРМОҚДА. БУНДАЙ ҲОЛАТ, ТАБИЙКИ, ИНСОНЛАРНИНГ БИРЛАМЧИ ЭХТИЁЖЛАРИДАН БЎЛГАН ОЗИҚ-ОВҚАТ МАҲСУЛОТЛАРИ НАРХ-НАВОСИГА САЛБИЙ ТАЪСИР КЎРСАТАДИ. ШУ НУҚТАИ НАЗАРДАН МАМЛАКАТИМИЗДА ҲАМ ҚИШЛОҚ ХЎЖАЛИГИДА ҲОСИЛДОРЛИКНИ ОШИРИШ ВА ОЗИҚ-ОВҚАТ ХАВФСИЗЛИГИНИ ТАЪМИНЛАШ ДОЛЗАРБ ВАЗИФАЛАРДАН БИРИ ҲИСОБЛАНАДИ. ЎЗ НАВБАТИДА, БУ ЙЎНАЛИШДА "АГРОБАНК" АТБ ТОМОНИДАН ҚАТОР ЙИРИК ЛОЙИХАЛАР ИШЛАБ ЧИҚИЛИБ, ИЗЧИЛ ҲАЁТГА ТАТБИҚ ЭТИЛАЁТГАНИ ЭЪТИРОФГА МОЛИҚДИР.



иссиқхона дунёда бармоқ билан санарли, камёблиги билан ажралиб туради. Лойиҳа кўчатчиликнинг тўлиқ циклини қамраб олади ва йилига 10 миллион донадан ортиқ кўчат етиштириш имконини беради. Унинг шарофати билан шу пайтгача импорт қилинган мевали, манзарали кўчатлар энди тўлиқ маҳаллий муҳитда ўстирилади. Бундан ташқари, ички ва қўшни бозорларга ҳам етказиб бериш режалаштирилган.

Аслида боғдорчиликда инвитро усули турли хасталикларга чидамли, ҳар бир ҳудуднинг иқлим ва тупроқ шароитига мос ҳамда кафолатланган ҳосилдорликни таъминлаб берадиган, илмий асосланган замонавий кўчатчилик методи саналади. У боғбоннинг ишини энгиллаштиради, ташвишини камайтиради. Боғдорчиликни саноат даражасига чиқаришга ёрдам беради.

Хусусан, "Agro In Vitro" лабораторияси ўз соҳасида етакчи бўлган Европа компаниялари билан ҳамкорликда ишлаб чиқилган. Лаборатория кўчатларни ташқи муҳитдан ҳимоялаб, вирус ва касалликлардан тозаланган шароитда автоматлашган ва тизимланган услубда етиштиришни таъминлайди. Бу услуб кўчатларни кафолатланган (сертификатланган) ва сифатли бўлишига хизмат қилади.

Бундан ташқари, Нидерландия компанияси технологияси асосида автоматлашган сунъий микро-иқлим муҳитини яратувчи, ойнаванд, сўнгги 5-авлод иссиқхонаси барпо қилинди. Ушбу иссиқхона технологиялари иситиш ва совутиш жараёнларида 50 фоизгача энергияни тежайди.

Бугунги кунда "Agro In Vitro" комплексида беш гектар ер майдонида 40 хил навдаги 6 минг дона мева, узум ва манзарали кўчатлар

боғи яратилган. Шу билан бирга иссиқхонадан кейинги босқич учун мевали, манзарали дарахтлар ва узум кўчатларини экиш мавсумига тайёрлаб бериш мақсадида 10 гектар майдонда кўчатхона ҳам ташкил қилинган. Қолаверса, деҳқон ва фермерларимиз ишини янада энгиллаштириш учун лабораторияда хориждан келтирилган серхосил картошка навлари ҳам ўстирилмоқда. Кимдир ишонади, кимдир эса йўқ, ҳақиқат шундаки, бир дона картошкadan 20 гектар ерга етадиган уруғлик етиштириляпти экан.

Лойиҳани ишга туширишда хориждан малакали мутахассислар жалб қилинган. Шу билан бирга етакчи хорижий лабораторияда кўчатчиликнинг сўнгги технологияларини яқиндан ўрганиш мақсадида 10 дан ортиқ маҳаллий мутахассислар тажриба ошириб келди.

Тақдиротда "Agro In Vitro" лойиҳаси юзасидан қўшни Қозоғистон, Қирғизистон, Тожикистондан келган соҳа вакиллари ҳам катта қизиқиш билдириб, ҳамкорлик бўйича таклифлар билдирди.

– "Agro In Vitro" лабораторияси юқори технологияларга асосланган, саноат усулида кўчат ишлаб чиқариш лойиҳаси бўлиб, назаримда, МДХ ҳудудида намунавий лойиҳа ҳисобланади, – дейди **Қозоғистон миллий аграр тадқиқот университети Ўсимликларни микрокловал кўпайтириш лабораторияси мудири, қишлоқ хўжалиги фанлари номзоди Серик Джантасов**. – Комплексида жаҳон селекциясидаги сўнгги йилларда яратилган навларни кўрдик. Ушбу мажмуа келгусида Марказий Осиёда янги интенсив боғлар ташкил этишда катта ҳисса қўшишига ишонаман ва биз ушбу компания би-

лан яқиндан ҳамкорлик қилиш истагидаимиз.

– "Agro In Vitro" лабораторияси ишлаб чиқариш циклининг барча занжирини ўзида мужжасам этган, – дейди **Скрябин номидаги Қирғизистон миллий аграр университети лаборатория мудири, биотехнолог Максат Ахмеджанов**. – Тўғрисиини айтиш керак, бу каби лабораториялар кўплаб МДХ давлатлари, ҳатто баъзи Европа давлатлари учун ҳам орзу. Чунки бу комплексида энг сўнгги юқори технологиялар мавжуд. Боғдорчилик ва узумчилик тармоғи шиддат билан ривожланишида, ишлаб чиқариш ва экспорт қилишни юқори босқичга олиб чиқиш бундай лабораториялар жуда керак.

– "Agro In Vitro" лабораторияси инновацион технологиялар лойиҳаси Марказий Осиё ва МДХ ҳудудида ноёб бўлиб, энг илғор Европа тажрибаларини қамраб олган, – дейди **Иссиқхона ва очик ирригация тизими соҳасида 18 йилдан ортиқ тажрибага эга мутахассис Илья Краснощёков** (Gakon Netafim, Нидерландия). – Лойиҳада турли участкаларда микроиқлим назоратини таъминлаш, уни тўлиқ автоматлаштириш, санитария меъёрлари, сўғориш сувини филтрлаш ва дезинфекция қилиш, мослашиш зоналари ва сувни зарарсизлантириш бўйича инновацион технологиялар жамланган. Мажмуа йилига 10 миллион тупгача узум ва мевали дарахт кўчатларини етиштириш имконини беради. Ушбу натижага эришиш учун қишда қаттиқ микроиқлим назорати (+28 С) ва ёзда зарур совутиш таъминланади.

– Ўзбекистонда кўчатларни замонавий лабораторияларда етиштиришнинг катта имкониятлари мавжуд, – **"Viscon Group" компанияси (Нидерландия) вакили Алексей Курбонаев**. – Бу йўналишда беш йиллик фаолият давомида турли мамлакатлардаги кўплаб лабораторияларда бўлдим ва ишонч билан айта оламаники, "Agro In Vitro" билан Ўзбекистон ҳам ишлаб чиқариш қуввати, ҳам технология жихозлаш бўйича МДХ давлатлари орасида етакчига айланди. Бу лабораторияда барча иш жараёни тўлиқ илмий ечимларга асослангани билан ғоятда аҳамиятлидир.

Дарҳақиқат, "Агробанк" АТБ озиқ-овқат хавфсизлигини таъминлаш мақсадида қишлоқ хўжалигида илм ва инновацияларга асосланган янги лойиҳаларни кўллаб-қувватлашда давом этади.

Тотшемир Худойқулов,
"Ўзбекистон овози" мухбири.



MUASSIS:

ЎЗБЕКISTON XALQ DEMOKRATIK PARTIYASI MARKAZIY KENGASHI

O'zbekiston Ovozi

TAHRIR HAY'ATI:

Ulug'bek INOVATOV	Muslihiddin MUHIDDINOV
Ulug'bek VAFOYEV	Hayotxon ORTIQBOYEVA
Maqsud VORISOVA	Toshtemir XUDOYQULOV
Qalandar ABDURAHMONOV	
Guliston ANNAQILICHEVA	

Bosh muharrir: To'liqin TO'RAXONOV

MANZILIMIZ: 100029, Toshkent, Mустақиллик майдони 5/3

Телефонлар: (71) 239-12-14

Реклама бўлими: (91) 190-19-49. **E-mail:** uzbovozi@mail.ru

«Sharq» nashriyot-matbaa aksiyadorlik kompaniyasi bosmaxonasida chop etildi. Korxonа manzili: Buyuk Turok ko'chasi, 41-uy. Gazeta ofset usulida, A-2 formatida bosildi. Hajmi — 4 bosma taboq.

Gazeta O'zbekiston Matbuot va axborot agentligida 0006-raqam bilan 2007-yil 11-yanvarda ro'yxatga olingan.

Navbatchi: Ravshan SHODIYEV
Sahifalovchi: Bekzod ABDUNAZAROV

Г — 637. 3486 nusxada bosildi. O'za yakuni —
Nashr ko'rsatkichi — 220. Topshirilgan vaqti —
t — Tijorat materiallari 1 2 3 4 5 6

Sotuvda kelishilgan narxda